

## Ա. Գ. ԱԲՐԱՀԱՄՑԱՆ

### ԱՆԴՐԵԱՍԻ ՏՈՄԱՐԱԳԻՏԱԿԱՆ ԱՇԽԱՏՈՒԹՅՈՒՆՆԵՐԸ

Հայ գիտական մատենագրության մեջ հաճախ է հիշվում Անդրեաս անունով մի տոմարագետ, որի հեղինակությանն է վերագրովում 4-րդ դարում կազմված երկուհարյուղ տարիների պարբերաշրջանն ընդգրկող տոմարական աղյուսակներ։ Անդրեասի մասին, որպես գիտում անձնավորության, գովեստով են խոսում գրեթե բոլոր հայ տոմարագետները և ժամանակագիրները՝ տալով նրան «իմաստասեր» մականումը։ Հայ տոմարագետներից մեկն այնքան բարձր է գնահատում Անդրեասի գիտական վաստակները, որ նրան համեմատում է ցողով լցեալ ամպի հետ, որը գիտության իր ցնցուղով իմաստասիրությունը իբրև թե սփռել է «Ընդ ամենայն տիեզերս»<sup>1</sup>։

Անդրեասի տոմարագիտական աշխատությունների հետ ծանոթ է եղել և նրանցից մեկը նույնիսկ մեկնել է 7-րդ դարի հայ գիտնական Անանիա Շիրակացին։ Անդրեասի կազմած երկուհարյուղամյա աղյուսակների մասին Շիրակացին խոսել է իր «Զատկական» ճառում՝ քրիստոնեական տոնների սկզբնավորման կապակցությամբ։ Նա հայտնում է, որ վաղ քրիստոնեական շրջանում, քրիստոնյաների նկատմամբ գոյություն ունեցող հալածանքի պայմաններում, հնարավոր չի եղել սահմանել քրիստոնյաների տոնական օրերը, ուստի քրիստոնյաները հարկադրված են եղել տոնել «Զոյգ ընդ հրէից»։ 325 թվականից հետո, երբ նիկիայի ժողովում որոշում է ընդունվել հրաժարվել երրայական տոններից, առաջին անգամ կոս-

<sup>1</sup> Մաշտոցի անվան Մատենադարանի ձեռ. № 1973, թ. 250ա

տանդիանոսի որդի Կոստանդի ժամանակ (327—260) է, որ «Անդրեաս՝ եղբայր Մագնոս եպիսկոպոսի, կարգեց տումար երկերիւր ամաց»<sup>2</sup>:

Անդրեասի տոմարագիտական աշխատությունների մասին ավելի հանդամանորեն խոսում է Հովհաննես Իմաստասերն իր «Յաղագս իննտասներեկացն» խորագրով աշխատության մեջ: Տալով լուսնի 19-ամյա պարբերաշրջանի պատմությունը, նա նշում է, որ այն հոռմեացիների համար կազմել է Արիստիփես փիլիսոփան, եգիպտացիների և եթովպացիների համար՝ Ղևոնդեսը, արարների և մակեդոնացիների համար՝ Որոգնեսը, լավոդիկեցիների համար՝ Անատոլիոսը և այլն: Սակայն այդ ամենը, շարունակում է Հովհաննես Իմաստասերը, բոլոր քրիստոնյաների համար համընդհանուր բնույթ չուներ, և քրիստոնյաները մինչև Նիկիայի ժողովը տոնում էին երրայեցիների հետ «խառնակ» ձևով: Նիկիայի ժողովում, Կոստանդիանոս կայսեր առաջարկությամբ, երբ որոշվեց հրաժարվել հրեական տոմարից, տարիներ հետո, «Անդրեաս, եղբայր Մագնոսի, կարգեց տոմար ամացն երկուհարիւրից»<sup>3</sup>:

Գեորգ Գեառնեցի կաթողիկոսը (877—897) խոսելով արարշության թվականի մասին, իբրև արժանահավատ սկզբնաղբյուր, մատնացուց է անում Անդրեասի երկուհարյուրամյա աղյուսակները. «Որպէս սքանչելին Անդրէաս,— գրում է նա, — ցուցանէ յերկերիւրեակ բոլորին՝ յերրորդ կանոնին զար արարշութեան»<sup>4</sup>:

Հնագույն տոմարական մի աշխատության մեջ, ուր խոսվում է տոմարական գիտության ականավոր գործիչների մասին, Դիոնիսիոս Արիոսպագացուց հետո, ամենից աշքի ընկնող տեղը հատկացվում է Անդրեաս Իմաստասերին և նրան վերագրվում տոմարական մի շարք բարեկիոխություններ. «Յետ սորա (այսինքն՝ Դիոնիսիոս Արիոսպագացուց հետո—Ա. Ա.)— կարդում ենք այնտեղ, — Անդրէաս Բյուզանդացի, եղբայր Մագնոսի եպիսկոպոսի, արար միաբանութիւն ամենայն տիեզերաց՝ լրմանց, Թժ-երեկաց, կրկնակաց, վերադրաց, տարեմտից և այլ զանազան խորհրդոց»<sup>5</sup>:

<sup>2</sup> Անանիայի Եիրակայնոյ Համարողի մատենագրութիւնը, Երևան, 1944 էջ 295:

<sup>3</sup> Ա. Գ. Արքանամյան, Հովհաննես Իմաստասերի մատենագրությունը, Երևան, 1956, էջ 272:

<sup>4</sup> «Գիրք թղթոց», էջ 255:

<sup>5</sup> Մաշտոցի անվան Մատենադարան, ձեռ. № 2001, թ. 213ա:

Ապոկրիֆ տոմարական մի այլ բնագրում, որը վերնագրված է՝ «Ճաղագս թէ յումմէ» եղաւ տումարք աղգաց», թվարկված են տոմարի պատմության աշխի ընկնող գիտնականների անունները, և այստեղ Անդրեասի մասին հետևյալն է ասված. «Անդրէաս՝ եղբայր Մագնոսի, յաւէտ աշխատութեամբ հաստատեաց զթօֆ. երեակն. Սա արար միաբանութիւն աղգաց և բոլորս կարգեաց»<sup>6</sup>: Այս տեղեկության մեջ ուշագրավ է Անդրեասի կողմից բոլորականներ կազմելու փաստի հիշատակությունը, որի վրա մենք կանգ պետք է առնենք քիչ հետո:

Եիրակացուց և Հովհաննես Խմաստասերից օգտվել և նրանց հաղորդած տեղեկությունները Անդրեասի մասին կրկնում են մի շարք հայ պատմիչներ և ժամանակագիրներ՝ Ստեփանոս Ասողիկը, Սամուել Անեցին, Ստեփանոս Օրբելյանը, Հակոբ Ղրմեցին և ուրիշներ:

Ո՞վ է Անդրեաս Խմաստասերը: Դժբախտաբար, նրա մասին կցկոտուր և հակասական տեղեկություններ են պահպանվել. ոմանք նրան համարում են բյուզանդացի, ոմանք՝ աթենացի, ոմանք՝ եգիպտացի: Անդրեասի անձնավորության հարցով գրադվել է գերմանացի գիտնական Ֆինիկը և որոշ նյութեր հրատարակել: Սակայն նրա հրատարակած բոլոր նյութերը քաղված են հայկական աղբյուրներից, որոնք ավելի բան չեն ասում, քան այն, որ Անդրեասը հանդիսացել է Մագնոս եպիսկոպոսի եղբայրը: Բայց ո՞վ է ինքը Մագնոսը, ո՞ր աղքից, ի՞նչ ժամանակի անձնավորություն է, ի՞նչո՞վ է նա հայտնի և այլն, այդ մասին ոչ մի տեղեկություն չունենք:

Վերջերս արտասահմանի մեր հայագետներից հանգուցյալ Հ. Ն. Ակինյանը այն կարծիքն է հայտնել, որ Անդրեասը հանդիսանում է Աննիանոս Աղեքսանդրացին. «Անդրեասի անունի տակ, — գրել է նա, — ինչպես կկարծեմ, պետք է իմանալ Աննիանոս եգիպտացի երեցը, որ Ե. դարու առաջին քառորդին, բազմապատկելով լուսնի 19 և արեգակի 28 բոլորակները, գտած էր հինգհարյուրյակ բոլորակի դրությունը»<sup>7</sup>:

<sup>6</sup> Նույն տեղում, ձեռ. № 1937, թ. 143թ:

<sup>7</sup> F. N. Finck, Zur Persönlichkeit des Chronisten Andreas («*Armenische Zeitschrift für armenische Philologie*», II Bd., I Heft, Marburg, 1903, էջ 73—74):

<sup>8</sup> Ն. Ակինյանի «Պատմութիւն Աղուանից» աշխատության ձեռագրից մեզ է ուղարկել Մ. եպ. Գրիգորյանը:

Աննիանոս Աղեքսանդրացին հեղինակ է համարվում երկու աշխատությունների՝ «Տիեզերական քրոնիկոնի» և «Զատկատոնացուցակի»<sup>9</sup>: Այս երկու աշխատություններն էլ ամբողջությամբ կորել են: Աննիանոսի և նրա աշխատությունների մասին մեզ տեղեկություն են Հաղորդում նրանից հետո ապրող երկու մատենագիր՝ Եղիա Մծբնեցի<sup>10</sup> ասորի մետրիպոլիտը և Գեորգ Մյունկլոսը<sup>11</sup>:

Մեր ուսումնասիրությունից, սակայն, պարզվեց, որ Աննիանոս երեցը հայ մատենագրության մեջ հիշվում է իսա անունով և ոչ մի կապ չունի Անդրեասի հետ: Տարբեր են երկու հեղինակների ո՛չ միայն անունները, այլև ապրած ժամանակները, ծննդավայրերը, աշխատությունները և կոչումները: Անդրեասն ապրել է 4-րդ դարում, իսկ Աննիանոսը՝ 5-րդ դարում, Անդրեասը աշխարհիկ անձնավորություն է, իսկ Աննիանոսը՝ հոգևորական, Անդրեասը կաղմել է երկու հարյուր տարիների տոմարական ցանկ, իսկ Աննիանոսը՝ 532 տարիների և երկու հարյուրամյա աղյուսակների վերջանաւուց հետո է, որ կազմվել է երկրորդը: Այնպես որ, այս երկու հեղինակներին անկարելի է նույնացնել:

Մեզ ավելի հավանական է թվում, որ Անդրեասը լինի ծագումով պարսիկ Մագնոսի եղբայրը, որի ծննդավայրն է հանդիսացել Պարսկաստանի թետ Խարդաշիր քաղաքը<sup>12</sup>: Ըստ տեղեկությունների, այս Մագնոսը մահացել է 429 թվականին: Սա 420 թվականին Հագկերտ թագավորի կողմից նշանակվել է Սելևկիայի կաթողիկոս և շատ շանցած կասկածվել անբարեհուսության մեջ և արտաքսվել Պարսկաստանից: Մագնոսը համարվում է մի շարք ինքնուրույն ու թարգմանական աշխատությունների հեղինակ: Նա ասորերն է թարգմանել Թեոդորոս Մոպսուստացու մեկնությունները<sup>13</sup>:

<sup>9</sup> K. Krummbacher, Geschichte der byz. Literatur (527–1453), München, 1897, էջ 338, 340, 341, 405. (Այս բիբլիոգրաֆիկ տեղեկությունները վեենայից մեզ է հաղորդել Մ. Կոլ. Գրիգորյանը):

<sup>10</sup> Եղիա Մծբնեցու մասին տե՛ս Eliae Metropolitae Nisibini: Opus chronologicum, ist part edited by E. W. Broocks, ունդ part by M. I. B. Chabot (=Corpus Scriptorum Christianorum Orientalium, Script. Syri 3-rd series VII and VIII).

<sup>11</sup> Գեորգ Մյունկլոսի մասին տե՛ս F. Unger, Chronologie des Manetho, Berlin, 1867, էջ 40:

<sup>12</sup> Rubens Duval, Anciennes Littératures Chrétiennes, II, Paris, 1907, էջ 314:

<sup>13</sup> В. Райт, Краткий очерк истории сирийской литературы, СПб, 1902, էջ 44—45:

Նկատի ունենալով այն հանգամանքը, որ հայկական աղբյուր-ներում Անդրեասի մասին կոսոք լինելիս միշտ շեշտվում է, որ նա հանդիսացել է Մագնոսի եղբայրը, ապա Մագնոսը պետք է որ հեղինակավոր մեկը եղած լիներ, իսկ Սելևակիայի կաթողիկոս Մագնոսը, բնական է, հանրաճանաչ և հեղինակավոր այն անձնավորություններից մեկն էր, որի հետ կարող էին կապել Անդրեասին։ Եթե միշտ է մեր կուսումը, այն դեպքում, Մագնոսը պետք է լիներ Անդրեասի ոչ թե կրտսեր, այլ պատճեն եղբայրը։

Անդրեաս իմաստասիրի անունով Մաշտոցի անվան Մատենադարանի ձեռագրերում հանդիպում ենք մի քանի աշխատությունների, որոնց մասին անհրաժեշտ ենք համարում համառոտ տեղեկություններ տալ ստորև<sup>14</sup>։


1. «Անդրէասայ մեծի վասն սրբոյ պատեմին յետ և յառաջ խաղալոյ և վասն դրութեան երկերիկոկին»։ Պահվել է Մաշտոցի անվան Մատենադարանի № 1973 ձեռագրում (թ. 251ա—255թ)։ Այս աշխատության մասին բիբլիոգրաֆիական տեղեկություններ տառիներ առաջ մենք նշել ենք Մատենադարանի ձեռագրերի տոմարգիտական բնագրերի մեր կազմած բիբլիոգրաֆիայում (էջ 9), որը ձեռագիր վիճակում է և դրված է Մատենադարանում ընթացիկ օգտագործման համար։ Մեզանից հետո այն հիշված է պատմական գիտությունների թեկնածու Հ. Անասյանի «Հայկական մատենագիտության» առաջին հատորում (էջ 855)։

2. «Խօսիք Անդրէասի իմաստասիրի վասն զատկաց»։ Պարունակում է Մաշտոցի անվան Մատենադարանի № 1999 ձեռագիրը (թ. 18ա—19թ)։ Այս աշխատությունը մեր վերոհիշյալ բիբլիոգրաֆիայում սիմվլմամբ ներկայացված է որպես առանձին աշխատություն։ Մեր հետևողականությամբ նույնն է վարվել նաև Անասյանն իր «Մատենագիտության» մեջ (էջ 855—856)։ Սակայն վերջերս, Անդրեաս իմաստասիրի գիտական մատենագրության ուսումնասիրության ժամանակ, երբ մենք դիմեցինք համեմատական աշխատանքի, պարզվեց, որ այն առանձին աշխատություն չէ, այլ նախորդ աշխատության փոքրիկ մի հատվածն է միայն՝ գրի առնված տարբեր անվան տակ։

3. «Վասն օդից երկնի՝ թէ որպիսի են։— Այսպէս ասէ Անդրէաս իմաստասէրն...» (Զեռ. № 1999, թ. 15թ—17ա)։ Այս աշխատության

<sup>14</sup> Ցավով պետք է նշենք, որ ստորև մատնացուց արված Անդրեասի աշխատություններից ոչ մեկը չի հիշատակված վերջերս լույս տեսած Մաշտոցի անվան Մատենադարանի ձեռագրաց ցուցակում։

մասին տե՛ս մեր «Անանիա Շիրակացու մատենագրությունը» (էջ 113): Մեզնից հետո այն հիշված է նաև Անասյանի «Մատենագիտության» մեջ (էջ 856):



Նկ. 1. Անդրեասի «Պատեր»-ի աշխատության առաջին էջը № 1973 ձեռագրից:

4. «Խորատ Անդրեասի իմաստափրի գիտնականի ասացեալ, որ ի յերկինս լինի շար և բարի» (Զեռ. № 8488, թ. 323ա—345ա): Այս աշխատության որոշ գլուխներն ընդօրինակված են նաև № 8945 և № 3884 ձեռագրերում: Բիբլիոգրաֆիկ տեղեկություն հրատարակել է Հ. Անասյանն իր «Մատենագիտության» մեջ (էջ 856—862) և միաժամանակ նշել, որ «Անդրեաս Բյուզանդացուն անհարազատ են նրա անունը կրող գուշակողական-աստղաբաշխական գրությունները, որոնք, ըստ երևույթին, արաբերենից են գալիս մեզ» (էջ 855):

5. «Տանուտերացույց արարեալ Անդրեասի Խմաստափրի» (Զեռ. № 5622 և ձեռ. № 8945): Բիբլիոգրաֆիական տեղեկություն հրապարակել է Հ. Անասյանը իր «Հայկական Մատենագիտություն» աշխատության մեջ (էջ 861):

Մեր ուսումնասիրությունից պարզվեց, որ վերջին երկու աշխատություններից ո՛չ մեկը Անդրեասին պատկանել լի կարող: Նրանց մեջ հիշվում են պատմական այնպիսի փաստեր, որոնք տեղի են ունեցել ուշ միջնադարում և Անդրեասին հայտնի լինել լէին կարող: Այսպես, այդ տեքստերի հեղինակը գուշակում է, թե ար-

ԴՐԱ ԱՎԵ ՊԱՐ

Կամաց պատճենութիւնը կամ պատճեն  
պատճենը գույքը բար քայլութեանը ին-  
չ պատճենը պատճենութիւնը պատճեն  
պատճենութիւնը պատճենութիւնը պատճեն

յունալի կոհիվներ են տեղի ունենալու «ի մէջ թուրքաց և թաթարց» Հասկանալի է, որ նման պատմական փաստի մասին խոսող անձնավորությունը 13-րդ դարից առաջ ապրած լինել չէր կարող: Ապոկրիֆ բնագրի հեղինակը, իր աշխատություններին հավատիություն տալու նպատակով, շարաշահել է Անդրեասի հեղինակությունը և վերագրել նրան: Ամենայն հավանականությամբ, այդ բնագրերը թարգմանված պետք է լինեն արաբերենից, որովհետև բնագրում հանդիպում են արաբական որոշ բառեր՝ «պուրճ» (բուրժ), «խուրմա» (արմավ), «խապար» (տեղեկություն) և այլն:

Հին հայկական ձեռագրերը պահել են Անդրեաս իմաստասերի տոմարական մի աշխատության մեկնությունը, որի հավանական մեկնին ենք համարել մենք Անանիա Շիրակացուն և հրատարակել նրա անունով<sup>15</sup>: Անդրեասի տոմարի մեկնությունը մեզ հասել է երկու խմբագրությամբ՝ ընդարձակ և համառոտ: Ընդարձակ խմբագրությունն ընդօրինակված է Շիրակացու տիեզերագիտական աշխատության հավելվածում, նրա գլխակարգության համարական շարքի տակ: Համառոտ խմբագրությունը, որն ունի «Մեկնութիւն տոմարի Անդրեասի» վերնագիրը, մեզ է հասել բազմաթիվ ձեռագրերով: միայն Մաշտոցի անվան Մատենադարանի ձեռագրերում հայտնի է մեզ 14 ընդօրինակություն: Էջմիածնի մատենադարանի ձեռագրական հավաքածուի 14-րդ դարի մի ձեռագրում պահվել է Անդրեասի տոմարական այդ աշխատության մեկնության մի պատահիկը 10—11-րդ դարերից՝ օգտագործված իբրև կազմի պահպանակ:

Անդրեասի տոմարի հայկական այդ մեկնությունը շարադրված է հարց ու պատասխանի ձեռվ: առաջադրվում է հարցը, ապա տըրպում պատասխանը: Օրինակ, հարցադրվում է. «Ձինը է Նոնոսն»: Պատասխանում է. «Նոնոսն թէպէտ դիանողախումբ է, և ամենայն ամսեան գայ, սակայն բովանդակն՝ Ե ամ կոչի և ոմանք՝ Ե օր»:

Մատենադարանի № 1973 ձեռագրում մեզ հաջողվել է հայտնաբերել Անդրեաս իմաստասերի աստղագիտական և տոմարագիտական բոլորակները: Այդ մասին տարիներ առաջ մենք զեկուցել ենք Մոսկվայում հրավիրված գիտությունների պատմության համամիութենական կոնֆերանսի աստղագիտության պատմության սեկցիայում, որի համառոտ բովանդակությունը ոռուսերեն լեզ-

<sup>15</sup>Տե՛ս Անանիա Շիրակացի, Տիեզերագիտութիւն և տոմար, Երևան, 1940 (Մեկնությունը շարադրված է 11—84 գլուխների տակ):

վով տպագրվել է զիտությունների պատմությանը նվիրված ժողովածուում:

Անդրեասի այս բոլորակները գծագրված են տոմարագիտական քաղմաթիվ այլ բոլորակների հետ խառնված, և մեզ հաղիվ թե հաջողվեր ճանաշել, առանձնացնել և վերագրել Անդրեասի այդ բոլորակները, եթե լիներ գծագրող հեղինակի տողատակ փոքրիկ մի հիշատակություն այն մասին թե՝ «Այս բոլորքս, որ են Դժ.ան (14)՝ յԱնդրէասէն են հանած» (թ. 65ա):


Այդ նույն հիշատակության շարունակությունից երեսում է, որ նշված բոլորակների նախագաղափար օրինակը երգնկա է բերվել Բագրատունյաց Հայաստանի մայրաքաղաք Անիից. «Զայտսոսիկ» (այսինքն՝ այս 14 բոլորակները—Ա. Ա.) ի յԱնոյ մեզ արմաղան<sup>15</sup> երեր մեր սուրբ վարդապետն, ճրագն ճշմարիտ և արեգակն լուսաւորիչ խաւարեալ ոգույ մերոյ Յովհաննէս»:

Անդրեաս Իմաստասերի վերև թվարկված աշխատություններից, ինչպես ասացինք, ամենից հարազատը և անվիճելիորեն մեր հեղինակին պատկանողը, հանդիսանում է նրա «Պասեքին» նվիրված աշխատությունը, որն ընդօրինակված է № 1973 ձեռագրում: Այդ նույն բնագրի փոքրիկ հատվածը, ինչպես ասացինք, պահպանել է նաև № 1999 ձեռագիրը:

Եիրակացու և Հովհաննես Իմաստասերի աշխատությունների կապակցությամբ մենք հաճախ ենք անդրադարձել այդ ձեռագրերին և տվել նրանց անոտացիան: № 1973 ձեռագիրը՝ տիեզերագիտական և տոմարագիտական նյութերի ժողովածու է: Գրված է երկու հեղինակների կողմից՝ առաջին մասը գրված է Հովհաննես երգնկացու կողմից, իսկ երկրորդը՝ Գրիգոր գրչի: Զեռագիրը, բոլորակները և աղյուսակները կատարված են Արրահամ Մաղկարարի կողմից. այդ երեսում է Հովհաննես երգնկացու մի հիշատակագրությունից, ուր նա խնդրում է հիշել Արրահամին, որը «բազում աշխատեցաւ ի հետ բոլորակիս՝ ուսմամբ և աշխատութեամբ»: Զեռագրի գրչության վայրն է հանդիսացել երգնկան: Ընդօրինակությունն ավարտվել է հայկական ԶՂԱ թվականին, այսինքն՝ ներկա 1342 թվականին:

Համեմատաբար, ավելի հին ընդօրինակություն է № 1999 ձեռագիրը, որը նույնպես տոմարական և աստղագիտական նյութերի ժողովածու է և ընդօրինակված է երկու տարրեր գրիշների կողմից,

<sup>16</sup> «Արմաղան» բառը պարսկերեն է և նշանակում է հեռու վայրից բերված նվեր:



Ա Յ Ա Յ Ա Յ Ա Յ Ա Յ Ա Յ Ա Յ  
 Ե Ա Ե Ա Ե Ա Ե Ա Ե Ա Ե Ա Ե Ա Ե  
 Ր Ա Ր Ա Ր Ա Ր Ա Ր Ա Ր Ա Ր Ա Ր  
 Ո Ա Ո Ա Ո Ա Ո Ա Ո Ա Ո Ա Ո Ա Ո

Նկ. 3. Անդրեասի «Բոլորակ»-ներից մեկը:

տարբեր ժամանակներում։ Անդրեասի աշխատության ընդօրինակությունը պարունակող մասը, ըստ պալեոգրաֆիկ տվյալների, կարելի է թվադրել 12-րդ դարով։ Առաջին մասի գրիչն է Հանդիսացել Գրիգորը։

Անդրեասի այս աշխատության ծավալը շատ մեծ չէ, ընդունելով էզ՝ նրա բովանդակությունից երևում է, որ այն հանդիսացել է Հեղինակի կազմած «Երկերի կրեկ»-ի առաջին, բացատրական մասը։ Այնտեղ, հիմնականում, արծարծվում են տոմարագիտական հարցեր՝ կապված քրիստոնեական տոների սահմանումների հետ։ Թնության են առնված հրեական տոմարի որոշ հարցեր, ցուց են տրված նրա թերությունները և նոր հաշվումների հիմնավորումները։

Անդրեաս Խմատասերի այս աշխատությունը, դժբախտաբար, ինչպես երևում է, անդամահատված է. չկան Անդրեասի աղյուսակները։ Մեզ հասած բնագրում մեկ առ մեկ թվարկված են երկու հարյուրամյա շրջանի յուրաքանչյուր տարվա այն սյունակները, որոնք շարադրված են եղել մեզ չհասած աղյուսակներում։ Նրանց թիվը եղել է 17՝ նահանջ տարիներ, տարվա յոթներյակներ, լուսնի լրումներ, զատկական տոների ժամանակ և այլն։ Փաստորեն, Անդրեասի աղյուսակները յուրատեսակ զատկացույց են հանդիսացել։

Անդրեասի 200-ամյա տոմարական աղյուսակները, ինչպես պարզված է, գործածության մեջ են դրվել 353 թվականից և ավարտվել են 552-ին։ Այդ մասին վկայում են միշնադարյան հայկական մի շարք մատենագիրներ։ Այդ հարցի ուսումնասիրությամբ զբաղվել են նրա ճշտությունը պարզել են հայկական տոմարի լավագիտակ մասնագետները<sup>17</sup>։

Անդրեաս Խմատասերի հրապարակվող բնագրի հիշատակարանում ևս կոնկրետ մատնացույց են արված աղյուսակների սկզբունակության և ավարտման տարիները։ «Երկերիւր ամի միանգամայն համարեցալ» ըստ թուոյն Անդիոքացոց ի շորեքարիկրորդէ առաջիներորդէ ամէն մինչև յամըն վեցհարիկրորդ ... կազմեցի ես Անդրէաս եղբայր Մակնոսի» (թ. 255ա)։ Անտիոքացվոց կոչվող թվականը ներկա թվականին վեր ածելու համար անհրաժեշտ է հանել նրանից 48. աղյուսակների սկզբնավորության 401 թվականից եթե մենք հանենք 48, կտանանք 353։ Աղյուսակի վերջին տարին՝ 600 թվականն է հանդիսացել, որից եթե հանենք 48, կը ս-

17 Մ. Եպ. Օրմանյան, Աղյուսակառական, I հ., էջ 570։

Եցանց. ո՞ր զուտառուց եռորդ կոշ է եռորդ մասութեան  
որուն թիւն զարութեան. Եռորդ անունումն է կոշ չ եռորդ. և ու  
մեծաւ մեծաւ լրանց. և ու հասունաւուն գետաւուսուատի  
է. զի՞ բայց ան չ ի այդ զանձնաւուն և ու անօրինաւուուուց  
ժամ. պահ առջի մասաւուց ամ դպրու և եռաւ և զբանաց  
ամ այցելաւուուց ա անց եւ անձնաց շին իւն իւն առ  
պիսաւ եռու գրաւենչ ա մեծ եռու ան. ու առանձնաւուից  
եռու ի այ ի բայց ու առանձնաւ այց ամիկ: յնորդ. ամեն զայրու  
անց ամ զիթու պայտաց է ան: և զայրու կշիւ ամեն ամի. ինը  
ամ և ան ի բայց այց ամիկ: ու կոշ. ամ և ան. ու եռու զայր  
կի. մասաւու եռու ամասաւուն պատուածն ու պատուածն ու պատուածն  
պիսաւ. և ան ան ի ան զիթ. զայր ամանին. յնու զայրու զայր  
և ի ան զիթ է ան. ու պատուածն ամի. եռու ու մասաւու մասաւու  
կին. ամայր է ան. և ան եռու զայր ամասաւու. ու պատուածն ամասաւու  
և եռու պատուածն պիսաւ. ամու զայր ամանին պատուածն ամուսին. և

Նկ. 4. Անդրեասի աղյուսակների սկզբնավորության մասին  
հայ առմարտղիբի զուգավորությունը.

Որ իրոք Անդրեասի այդ աղյուսակաները կազմված են եղել 353  
թվականին և այդ մասին տեղյակ են եղել հին հայկական տոմա-  
րադետները, այդ երևում է հայկական տոմարական մի բնագրից,  
որն ընդօրինակված է հենց այն ձեռագրում, ուր պարունակվում է  
Անդրեասի հրապարակվող «Պատսերի» աշխատությունը: Այդ բնա-  
գրում բերվում են լոթ զուգահեռ թվական տվյալներ՝ Անդրեասի  
աղյուսակների սկզբնավորության վերաբերյալ: Անդրեասը,— աս-  
վում է այնտեղ,— աղյուսակները կազմել է «ՅԾԴ ամն գալստեան  
տեառն մերոյ Յիսուսի Քրիստոսի, և ՆԱ. երորդ ամն շինուածոյ Անդրեասի քաղաքի, և ի Դիոկտիստիանոսի ԿԹ ամ, և Կիրոս քաղաքի  
ՈԿԴ ամ, և ի Զ. երորդ Հիմատոց Կոստանդնի, և ի Աֆ. ին դիտիո-  
նին յետ զնահանջն կարգելոյ, յորս դիպի ԺԴ. երորդն լուանի սուրբ  
զատկին ապրիլի ԴՅ<sup>18</sup>:

18 Մաշտոցի անվան Մատենադարան, ձեռ. № 1973, թ. 251ա:

«337, ամն գալստեան Քրիստոսի»:— Խոսքը վերաբերում է մեր ներկա թվականին, որը, ինչպես երկում է, հայկական թվահաշվով է, ուստի պետք է նրանից հանել մեկ կամ երկու:  $354 - 1$  կամ  $2 = 352$  կամ  $353$ :

«Նև շինուածոյ Անտիոք քաղաքի»:— Այս Անտիոքացոց թվականն է, որից, ինչպես ասել ենք, պետք է հանել  $48 \cdot 401 - 48 = 353$ :

«Դիրկղետիանոսի Կթ ամին»:— Դիրկղետիանոսը գահակալել է  $284$  թվականին, հետևապես նրա  $69$ -րդ տարին կլինի  $254 + 69 = 323$ :

«Ի Զերորդ Հիմատող Կոստանդին Օգոստոսին»:— Այստեղ որչական սխալ է թուլլ տրված. պետք է լինի ԺԶ. երրորդ Կոստանդիանոսի որդի Կոստանդինը գահակալել է  $337$  թվականի սեպտեմբերի  $19$ -ին, ուստի նրա  $16$ -րդ տարին կլինի  $337 + 16 = 353$ :

«Կիփս քաղաքի ՈԿԴ ամին»:— Խոսքը սելևկյան կոչվող թվականի մասին է, որը ներկա թվականին վեր ածելու համար, տված թվականից պետք է հանել  $311$ , կստացվի.  $664 - 311 = 353$ :

«Աժ Դիբոնի»:—  $353$  թվականին իրապես ինդիքտիոնի  $11$ -ն է եղել:

«ԺԴ. երորդն լուսնի սուրբ զատկին ապրիլի Դ»:— Նկատի է ունեցվել զատկական լուսնի լրումը, որը տոմարագիտության մեջ հայտնի է «մեծ լրում» անունով:  $353$  թվականին զատկական լրումը եղել է ապրիլի  $4$ -ին, իսկ զատիկը՝ ապրիլի  $11$ -ին:

Թերված բոլոր զուգահեռ թվականներից անվիճելիորեն երկում է, որ Անդրեասի տոմարը կազմվել է  $353$  թվականին: Այն գործածության մեջ է դրվել քրիստոնեություն ընդունած ութ երկրներում, այդ թվում նաև՝ Հայաստանում<sup>19</sup>: Սակայն հայ տոմարի պատմության համար տվյալ գեպքում կարևոր է ոչ թե այն, թե ե՞րբ է կազմվել Անդրեասի աղյուսակները, այլ թե ե՞րբ է գործածության մեջ դրվել այն Հայաստանում: Ուսումնասիրությունները մեզ բերեցին անվերապահ այն եզրակացության, որ Անդրեասի երկուհարյուրամյա աղյուսակները Հայաստանում գործածության մեջ են դրվել իր սկզբնավորության հենց առաջին տարուց, այսինքն  $353$  թվականից: Դրա անվիճելի ապացուցը՝ հայկական շարժական տոմարի սկզբնավորությունը հենց այդ թվականից սկսելն է, որի մասին անհրաժեշտ ենք համարում որոշ բացատրություն տալ:

Անդրեասը, ինչպես պարզված է, առաջնորդվել է Դիրկղետիանոսի էրայով, որը հիմնված է եղել եգիպտական անշարժ տոմարի:

<sup>19</sup> Անձնիա Շիրակացի, Տիեզերագիտութիւն և տոմար, էջ 86—87.

վրա: Հստ այդ տոմարական հաշվումների, եգիպտական ամանորը՝ թոթ առաջին ամսի 1-ը, համապատասխանել է օգոստոսի 29-ին<sup>20</sup>, Այդ նույն ամսի 29-ին է համապատասխանել եգիպտական տոմարով առաջնորդվող վեց այլ ժողովուրդների ամանորները՝ եթովպացոց մաքարամը, աթենացոց մենեքիոնը, բյուֆանացոց դեսուը, կապադովկիացոց արտանան, վրաց ախլծելին, աղվանից նավասարդոնը:

Հայկական տոմարը ևս պատկանել է եգիպտական խմբին, և նրա ամանորը՝ նավասարդ ամսի մեկը, համապատասխանել է օգոստոսի 29-ին:

Դժվար է ասել, թե եգիպտական տոմարական խմբի մեջ մըտնող այս ժողովուրդների զուգավորությունը՝ այսինքն նրանց ամանորները հոռմեական տոմարով օգոստոսի 29-ին, երբ է սկսել, մի բան միայն անվիճելի է, որ Անդրեասի աղյուսակները կազմված էին տոմարական այս սկզբունքով: Ի տարբերություն վերև թվարկված բոլոր ժողովուրդների, հայերը ընդունելով Անդրեասի աղյուսակները, միակ ժողովուրդն են, որ չեն հետևել եգիպտական անշարժ տոմարին, բաժանվել են նրանցից և շարունակել գործ ածել շարժական տոմարը: Եվ քանի որ հայկական շարժական տոմարով չորս տարին մեկ օրով հայկական տարին առաջ էր անցնում, ուստի մինչև 428 թվականը հայկական ամանորը առաջ անցավ 19 օրով և նավասարդի մեկը օգոստոսի 29-ից իջավ օգոստոսի 11-ի<sup>21</sup>: Այդ այն տարիներն էին, երբ փայլում էր Մաշտոցի դպրոցը, երբ հունարենից և ասորերենից կատարում էին թարգմանություններ և ամսաթվերի զուգավորությունների դեպքում օգոստոսի 11-ը զուգադրվում էր հայկական նավասարդի մեկին: Ի դեպ, ավելի ուշ ժամանակում, երբ Հովհաննես Խմաստասերը 1084 թվականին կազմում էր հայկական անշարժ տոմարը, ուսումնասիրելով հին հայկական բնագրերի մեջ նկատվող զուգավորությունները, ուր հայկական ամանորը համապատասխանում էր օգոստոսի 11-ին, այդ ամսաթվին էլ հաստատեց հայկական նոր տարին:

Վեճի առարկա կարող է հանդիսանալ այն հարցը, թե 353 թվականին հայերն ընդունելով Անդրեասի աղյուսակները, հավանական է այն օգտագործել են հունարեն և կամ ասորերեն բնագրերով: Այդ

<sup>20</sup> Դիոկետիանոսի էրայի մասին տե՛ս В. Шишков, Страже времени, Москва, 1960, էջ 30:

<sup>21</sup> Բ. Ե. Թումանյան, Հայոց մեծ և փոքր թվականների տարեսկզբի հարցի շուրջը (ՏԵ՛ս ՀՍՍ ԳԱ «Տեղեկագիր» 1965, № 6, էջ 79—85):


Հարցին մասամբ պատասխան է տալիս Անդրեասի ներկա հրապարակվող «Պատերի» աշխատությունը, ուր հանդիպում ենք ամսաթվերի զուգավորությունների: Կարևոր է զուգավորություններով պարզել այդ բնագրի թարգմանության ժամանակը:

Անդրեասի տոմարական երկհարյուրամյա աղյուսակները, ինչպես հայտնի է, քրիստոնեական համայնքների համար տոնացույց-ձեռնարկի գեր են կատարել ո՛չ միայն Հայաստանում, այլև քրիստոնեակություն ընդունած յոթ այլ երկրներում: Այդ աղյուսակները, ինչպես ասել ենք, ընդգրկել են 353 թվականից մինչև 552 ժամանակաշրջանը և ծառայել են իրեւ զատկացույց: Նրանք հայերեն են թարգմանվել գործնական նպատակով, ուստի կարելի է անվիճելի ասել, որ հայկական թարգմանությունը կատարվել է 353 թվականից ոչ շուտ և 552 թվականից ոչ ուշ: 561 թվականին 532 տարիների ճշգրիտ աղյուսակները կազմելուց հետո, հասկանալի է, անիմաստ կլիներ այդ բնագրի հայերեն թարգմանելը:

Անդրեասի աղյուսակների մեզ հասած բնագրի մի մասում, երբ խոսվում է գարնանային գիշերահավասարի մասին, հայկական մեհեկան ամիսը զուգադրվում է հոռմեական մարտ, եգիպտական պեմենովթ և անտիքացոց դյուտարոս ամիսներին: «Արդ՝ սկիզբն հասարակելու տուղնչեան և գիշերոյ ըստ թուոց եգիպտացոցն ի ի՞Դ և Ռ ամսոյն լինի, որ անուանեալ կոչի պեմենովթ, որ գայ կշու ըստ թուոյն անդիքացոց ի իե. բորդումն դիւտարոս ամսոյն, այսինքն՝ մեհեկանի» (թ. 253ա):

Գիշերահավասարը, ինչպես հայտնի է, հոռմեական անշարժ տոմարով աեղի է ունեցել մարտի 20-ին: Հայկական շարժական տոմարով 428—431 թվականներին գարնանային գիշերահավասարը եղել է ոչ թե մեհեկան ամսին, այլ արեգ ամսի 12-ին, որը և համապատասխանել է իրապես եգիպտական պեմենովթ ամսի 20-ին: Դժբախտաբար, կոնկրետ չի ասված, թե գիշերահավասարը մեհեկանի քանիսին է եղել, որը հնարավորություն կտար մեզ չորս տարվա ճշտությամբ որոշել թվականը: Բոլոր դեպքերում, հայկական շարժական տոմարով մեհեկանը 381 թվականից հետո հոռմեական մարտ ամսին զուգավորվել էր կարող: Ուրեմն, որոշակի կարելի է ասել, որ մատնացույց արված զուգավորությունը կարող էր վերաբերել մեհեկանի 24-ից (նկատի ունենալով, որ 353 թվականին գիշերահավասարը եղել է մեհեկանի 24-ին) մինչև 381 թվականը, երբ գիշերահավասարը եղել է մեհեկան ամսի վերջին: օրը՝ 30-ին:

Այս զուգավորությունն անվիճելի ցուց է տալիս, որ Անդրեասի երկարյուրակ աղյուսակները հայերենի հետ զուգավորվել են 381 թվականից առաջ: Սակայն քիչ հետո կա մի այլ հիշատակություն, որն անվիճելի Մաշտոցյան շրջանի հիշատակագրություն է ու որպես ընդմիջարկություն մտել է բնագրի մեջ այն տեղում, ուր խոսվում է գարնանային գիշերահավասարի մասին և բերվում վերև հիշ-



Նկ. 3. Անդրեասի հիշատակաբանը № 1873 ձեռագրից:

ված զուգավորությունը. այնտեղ ասվում է. «Թէկ այժմ ի մերս ամս և յատկրս յարեգ ամսիս են»: Այսինքն, եթե առաջներում գարնանային գիշերահավասարը համընկնում էր մեհեկան ամսին, ապա մերժամանակում լինում է արեգ ամսին: Վերջին ակնարկը հիմք է տալիս մեկ ամելու, որ նոր ընդօրինակությունը (կամ գուցե այլ տառերով հայերեն գրված փոխադրությունը) կարող է կատարված լինել նաև 5-րդ դարում, որովհետև միայն 5-րդ դարում է, որ հայկական շարժական տոմարով գիշերահավասար տեղի է ունեցել արեգ ամսին:

Եթե մենք նույնիսկ ժխտելու լինենք քննարկվող բնագրի հայերեն թարգմանված լինելու փաստը 4-րդ դարում, այն դեպքում անվիճելի կլինի, որ ներկա տոմարական տեքստը թարգմանվել է

5-րդ դարի սկզբներում և, կարելի է ասել, որ այն Մաշտոցյան նվիրական դպրոցի առաջին թարգմանություններից մեկն է:

Անդրեասի տոմարական այս աշխատության թարգմանության մասին խոսելիս, պետք է հաշվի առնել մի կարևոր հանգամանք ևս. Հայերը քրիստոնեություն ընդունելուց հետո, պետք է որ քրիստոնեական տոններ տոննեին, ուստի մինչև Նիկիայի տիեզերական ժողովը եթե կարող էին տոննել «զոյք ընդ հրէից», ապա նրանից հետո, եթե որոշում ընդունվեց մերժել հրեական տոմարը, պետք է առաջնորդվեին մի նոր տոմարով: Եվ քանի որ 353 թվականին կազմած տոմարը Անդրեասի տոմարական աղյուսակները պաշտոնապես ընդունված էին քրիստոնեություն դավանող ութ երկրներում, այդ թվում և Հայաստանում, ուստի շէին կարող հատուկ ուշադրություն շդարձնել նրա վրա և լթարգմանել այն: Բոլոր գետքերում, Անդրեասի քննարկվող տոմարական բնագիրը՝ բացառիկ արժեք ունեցող հայկական հնագույն թարգմանություններից մեկն է:

Անդրեասի այս աշխատության հնության մասին է խոսում մի այլ փաստ ևս. Այդ բնագրում, երրայական տոմարի սխալանքը ցույց տալու նպատակով, Անդրեասը հիմնվում է աստվածաշնչի վրա և մեջբերումներ է անում նրանից: Այդ մեջբերումներից մեկը, որն ամենից ընդարձակն է, համեմատության մեջ դնելով հայկական կանոնական աստվածաշնչի բնագրի հետ, պարզվեց, որ նըրանք զգալի շափով տարբերվում են իրարից: Անհրաժեշտ ենք համարում զուգահեռ ձևով բերել այդ բնագրիը.

#### Կանոնական աստվածաշնչից

#### Անդրեասի բնագրից

«Եւ խօսեցաւ Տէր ընդ Մովսիսի և ընդ Ահարոնի յերկրին եգիպտացւոց, և առէ, Ամիսս այս եղիցի ձեզ սկիզբը ամսոց. առաջին եղիցի ձեզ յամիսս տարւոյ Խօսեաց ընդ ամենայն ժողովրդեան որդուցն Խօրայելի և ասասցեն ի տասներորդում ամսեան այսորիկ առցեն իրենաց իրաքանչիւր ոչխար ըստ տունս ազգան իրեանց, ոչխար ըստ երդի Եւ եթէ սակաւք իցեն ի տանն՝ որպէս թէ շիցեն բաւական լինել ոչխարին, առցէ ընդ իւր զգրացի իւր և զընկեր իւր ըստ մարդաթուի. իրաքանչիւր ըստ բաւականի իրում համարեացի յոշխարն: Ոչխար՝ կատարեալ՝ արու, տարեւոր, անարատ

»Որպէս գրեալ է թէ Ասաց Տէր ցՄովսէս եւ ցԱհարոն յերկրին եղիպտացոց. Ամիսս այս եղիցի ձեզ ըսկիզբն ամսոց, առաջի լիցի ձեզ ամենայն ամսոց տարւոյն, ասասչիր յամենայն ժողովուրդ որդուցն Խօրայելի, ի ժ. Երորդում աւուր յամենան յայսմիկ առցեն իրաքանչիւր գառն ըստ երդ եւ եղիցի պահել զգուշացնալ նոցա մինչև ի տասն եւ ի չորս ամսոյն, քանզի եւ յայնմ աւուր փրկեցան ազգն եւ ցեղը նոցան նշանակեալ արեամբն ի վերայ սեմոց որբանց նոցա ի հնագանդութիւն եւ ի ծառայութիւն Փարաւոնի:

լիցի ձեզ, յօդեաց եւ յայծեաց առնու-  
ցուք: Եւ եղիցի ձեզ պահեալ մինչկ  
ի շորս եւ ի տասն աւուր ամսովս  
այսորիկ. Եւ զենցեն զնա ամենայն բազ-  
մութիւն ժողովրդեան որդուցն հսրայելի  
ընդ երեկոս: Եւ առցեն յարենք անտի եւ  
դիցեն ի վերայ երկուց սեմոցն եւ բա-  
րաւորին տանցն յորս ուստիցեն զնա ի  
նոսա»:

(Ելք, ԺԲ, 1—8):

Պետք է նկատի ունենալ, որ հնում արտակարգ զգուշավոր  
վերաբերմունք է ցուցաբերվել կրոնական-կանոնական բնագրերի  
նկատմամբ. մեջբերումներ անելիս, հեղինակները պարտավոր են  
եղել տառացի վերցնել: Վերև բերված Անդրեասի տարբերակը արդ-  
յոք չի վկայում, թե այն վերցրված է շատ հին և մեղ չհասած  
բնագրից:

Հրատարակության հանձնվող Անդրեաս իմաստասերի տոմա-  
րական ներկա աշխատությունը արժեքավոր ունիկում է ո՛չ միայն  
հայկական տոմարի, այլև տոմարի պատմության համար ընդհան-  
րապես: Այն պատկանում է հայկական թարգմանական այն աշխա-  
տությունների շարքին, որոնց բնագրերը հունարենով կամ ասորե-  
րենով չեն պահպանվել և գիտության մեջ հայտնի են հայկական  
թարգմանություններով:

Ներկա աշխատությունը մեծ արժեք ունի նաև հայ մատենա-  
գրության համար, որպես մեզ հասած հայկական հնագույն և գի-  
տական մեծ արժեք ներկայացնող բնագրերից մեկը:

Անդրէաս Մեծի վասն սրբոյ պասեմին յետ և յառաջ խաղա-  
լոյ և վասն դրութեան երկերիւեկին<sup>1</sup>

Քանզի բազումք յասորոց աներկիւլ յամառութեամբ կար-  
ծեցին եթէ յթժ.աներորդում ամսեանն պարտ իցէ առնել  
5 զգատիկն բաղարջակերաց, զոր Աստուած կանխաւ ի ձեռն  
Մովսէսի պատոփրեաց որդուցն հսրայեղի, որպէս և զրեալ է  
թէ՝ ասաց Տէր ցՄովսէս և ցԱհարոն յերկիրն Եգիպտացոց.

<sup>1</sup> Ներկա բնագիրը հրատարակվում է Մաշտոցի անվան մատենադարանի  
№ 1973 ձեռագրից, որի մասին խոսվել է առջեւում:

- Ամիսս այս եղիցի ձեզ սկիզբն ամսոց առաջին լիցի ձեզ ա-  
 281ր մենայն ամսոց տարւոյն, ասասչիր յամենայն ժողովրդ ॥ որդ-  
 10 տցն Խրայեղի ի Ժ.երորդում աւուր յամսեանս յայսմիկ առ-  
 ցեն իւրաքանչիւր գառն ըստ երդ և եղիցի պահել զգուշացեալ  
 նոցա մինչև ի տասն և շորրորդ ամսոյն, քանզի և յայնմ աւուր  
 փրկեցան ազգն և ցեղը նորա՝ նշանակեալ արեամբն ի վերայ  
 սեմոյ դրանց նոցա՝ ի հնազանդութիւն և ի ծառայութիւն փա-  
 15 րաւոնի: Եւ քանզի կանխագէտ գիտովեան Աստուծոյ յատնի  
 էր փրկութիւնն, որ լինելոց էր ամենայն ազգաց մարդկան ի  
 ձեռն Միածնի որդոյն գառինն Աստուծոյ, ասացաւ նոցա յա-  
 ռազագոյն, քան զբազում ազգս, մինչ չէր շարշարեալ էր  
 Տէռն՝ եթէ զատիկն Տեառն է: Վասն այնորիկ առնէին ամի  
 20 ամի զարն աւրինակաւ և նմանութեամբ, քանզի հանդերձեալ  
 էր գառն ճշմարիտ զենուզ փոխանակ կենաց աշխարհի, որ  
 եղիցի զատիկ ճշմարիտ յեկեղեցւոց Աստուծոյ:  
 Արդ՝ քանզի զարինակն և զնմանութիւնն յառաջնուսն  
 ամսեան հրամայէր առնել, չէր իշխանութիւն եկեղեցւոյ յթժ.-  
 25 աներորդ ամսեանն առնել զպատիկս զայս: Որպէս և զի Առա-  
 քեալ գրեալ է, եթէ Առաջինքն անցին և ամենայն ինչ վերստին  
 նորոգեցաւ Քրիստոսիւ Եւ որպէս մարգարէն ասէ թէ: Որպէս  
 գառն ի սպանդ վարեցաւ: Վկայէ և Յովհաննէս յազաղակելն  
 թէ: Ահաւասիկ գառն Աստուծոյ, որ բառնա զմեղս աշխարհի:  
 30 Եւ Առաքեալ[ն] յետ յարութեանն ասէր թէ: Զատիկ մեր Քրիս-  
 տոս էր, որ զենաւն: Եւ վասն այսորիկ չէ մեզ պարտ և պատ-  
 շաճ ժամապահ լինել՝ թէ յորժամ հրեայքն առնիցեն զպատիկն  
 և ուտիցեն զբազարչն, զի ի նմին ժամնակաւ և մեր արաս-  
 ցուր, զի ճշմարիտ գառն Աստուծոյ, մինչդեռ աւուր կայլ, զե-  
 282ա նաւ առաջի ամենայն մարդկան և քարոզեցաւ մա՞ն նորա  
 35 || մինչ չե կերեալ էր Խրաենի զբազարչն և զգառն յերեկոյին  
 աւուրն, և անդի ժողովրդեանն բիւրոց բիւրդ գառանց կոտո-  
 րեցաւ, իսկ աստ՝ մի գառն՝ աւծեալն Աստուծած ի ձեռս մարդ-  
 կեղէն մարմնոյն, զոր գրեցաւ և կատարեաց զկամս Հաւր իւրու  
 40 և յանմ հետէ մինչև ցայսաւր ժամանակի բան խաչին հրէից  
 գայթակղութիւն է, այլ մեզ կոչելոյս՝ իմաստութիւն է, որ առ  
 նոսայն՝ յիմարութիւն է: Եւ վասն այսորիկ Փրկիչն մեր ո՛չ  
 բաղարջ և եղեգն, և ո՛չ միս գառին ուսուցանէ մեզ ուտել,  
 այլ ասէ. Յորժամ վերասցի ի նոցանէ փեսայն, յայնժամ ի  
 պահս մտցեն: Եւ արդ՝ այսուհետեւ ամի ամի զնոյն տրտմու-  
 45

թիւն, զոր գրեցան առաքեալքն, պահովք զգեցցուք և մեք և  
ի յայտնութեան Միածնին ուրախ լիցուք՝ հաղորդելով մարմ-  
նոյ և արեան ճշմարիտ գառինն, որ է հացն երկրաւոր: Եւ  
արդ՝ ի հարկէ ամի ամի առնէ եկեղեցի զզատիկ բաղարջա-  
կերացն, զի հաստատեալ կացցէ յիշատակ այնր, որ շարչա-  
րեցաւ և յարեան ի մեռելոց: Եւ թէպէտ և այսպէս ամի ամի  
առնեմք զյիշատակ շարշարանաց Փրկչին մերոյ, սակայն  
ուրանան հերձուածողք ամենայն ծնունդն նորա, որ եղկ ի  
յաւգնականութիւն և փրկութիւն ամենայն հեթանոսաց. զի  
թէ չէր շարչարեալ, բազումք ուրանային զծնունդն նորա, վա-  
սըն այնորիկ հարկ է մեծաւ փուփով ամի ամի յամսեանն  
առաջնում առնել զզատիկն: Այլ հրէայք, բանզի յամենայնի  
միտք կուրացեալ են, նոյնպէս և յայսմ գայթակղեսցին: Եւ  
վասն այսորիկ ասաց Աստուած մարգարէին, թէ՝ Միշտ մո-  
լորեալ են սրտիք և նորք ոչ ծանեան զճանապարհս իմ: Եւ  
զի յասմ ևս իբրև յամենայնի վրիպեցան հրէայքն, ընկաւ-  
լան առանց հակառակութեան զվկայութիւն: Զի յառաջ քան  
զրազում ազգս մինչ չև շարչարեալ էր Քրիստոս, հրէայք զե-  
րեցան յերկրէն իւրեանց ի Բարեկըն և փոխանակ նոցա եկին  
բարելացիթ և բնակեցան յերկրին նոցա ի Պաղեստինէ և կո-  
չեցան շամրատացիթ: Եւ ընկալան ի հրէից տուշութեամք թէ՝  
երբ և յորում ժամնակի պարտ իցէ առնել զզատիկն և ըստ  
նմին կարգի, որպէս ընկալան ի նոցանէ, պահեն շամրատացիթ  
մինչի ցայսաւր ժամնակի՝ առնել զզատիկն յետ հասարակե-  
լոյ տուշնչեալն և գիշերոյ: Եւ շարմտացիթ, զոր ընկալան ի  
նոցանէն՝ պահեն, և հրէայք, զոր ուսուցին յայն՝ ոչ կացին:  
Եւ վկայութիւն այսորիկ յայտ յանդիման էր և ի գիրս Թագա-  
տրացն Հրէաստանի, յորում պատմէ զճառս շամրտացոցն:  
Եւ արդ՝ հասարակաց տուշնչեան և գիշերոյ սկիզբն է տարոյն  
և ամսեանն առաջնոյ, քանզի ամիսն առաջին անտի առնու  
սկիզբն, զի ի սկզբանէ արարծոց ոչ եթէ նախասերմն ինչ  
իրիք էր, այլ գրեալ է, թէ՝ Բիսեաց երկիր զրոյս խոտոյ և զա-  
մենայն ծառ պտղաբեր: Եւ ապա ստեղծաւ մարդ և հաստա-  
տեցան անսունք և զեռունք, զի առժամայն իբրև լինիցին,  
գտցին առաջի նոցա հունձք պատրաստականք առ ի դարման  
կերակրոյ նոցա, որպէս և այժմ ամենայն ինչ որ ծնանի  
դարութեամբն և առաջնորդութեամբն Աստուծոյ, գտանէ կա-  
թըն ի ստինս մաւր իւրոյ պատրաստական:

- Արդ՝ սկիզբն հասարակելոյ տուղնջեան և գի լ շերոյ ըստ  
 85 թուոյ եգիպտացւոցն ի ի և ի Դ ամսոյն լինի, որ անուանեալ  
 կոչի Պեմենովթ, որ գայ կշռի ըստ թուոյն Անտիռքացւոց ի  
 ի.երորդ դիատրոս ամսոյն, այսինքն՝ մեհեկանի, և քանզի  
 Քրիստոս Դժ.աներորդ աւոր ամսոյն առաջնոյ շարշարեցաւ,  
 յայտ է յետ հասարակելոյ տուղնջեան և գիշերոյ արեգ ամ-  
 90 սեան, և ոչ այս վրիպեալ է ի մէնջ, թեև այժմ ի մեր ամս և  
 յատկո յարեգ ամիս են, բազում անգամ արարին հրէայք  
 զզատիկն: Եւ քանզի սկիզբն ամենայն տարւոյն յթժ.երորդի  
 մարտի ամսոյ լինի, այսինքն՝ ի մեհեկանի, յայտ է, թէ նա է  
 ամիսն առաջին: Արդ՝ եկեղեցի Քրիստոսի յորժամ դիպեսցի  
 95 Դժ.աներորդ լուանոյ յթժ.երորդէն մարտի ամսոյ և անդրէն  
 ի մուտս կատարեսցին թժ.անամսեայ թիւքն լուանոյն, միւս  
 և այլ ամիս յաւելուոք ի վերայ թժ.ան ամսոյն, որ անուա-  
 նեալ կոչի նհանջեալ, զի այն ամք քանզի պակաս գտանին.  
 թիւք ընթացից լուանոյ, քան թիւմ ընթացից արեգականն.  
 100 այսպէս կազմեցաւ, զի նհանջեալ ամսաւք լիցի, որպէսողի  
 երթիցէ հասցէ ի թիւք ընթացից լուանոյ թուոյ ընթացից  
 արեգականն: Զի եթէ այս այսպէս ոչ լինէր, դիպէին երբէք  
 երբէք երկու զատիկք ի միում ամի, որպէս զի և հրէայքն, զի  
 թէպէտ և կարի քաջ նհանջին զամիսն, բազում անգամ առնեն  
 երու զատիկս ի միում ամի, քանզի ոչ համարին ստույգ յութ  
 ու ժ. երորդէ մարտի ամսոյ և յետս այլ. սղալ ածեն զհա-  
 մարն: Զի թէ ոչ լինէին ամիսն նհանջեալք և յետ կատարե-  
 լոյ տասն և երկուց ամսոյն պահել և առնէին զզատիկն բա-  
 ղարշակիրացն, այլ ձգեն, ածեն զմեզ նհանջ ամիսքն, զի  
 105 միշտ յետ հասարակելոյ տուղնջեան և գիշերոյ արասցուք  
 253բ զզատիկն, քանզի նոքաւք հասանեմք յամիս առաջին արմը-  
 տեաց: Եւ զսոյն պարտ և պատշաճ է յաւելու ի հարէէ, զի  
 հրէայք բազում տամս առնեն, յորում աւոր և դիպես-  
 ցի զատիկն յատկո շաբաթուն: Շաբաթ կոչեն զարն, թէպէտ  
 110 և ե. շաբաթ իցէ, զի մի փոխեսցեն, զարն առնում՝ շաբաթ  
 անւանեն: Եւ որք զայս այսպէս առնեն, թէ յուրբաթու կամ ի  
 կիրակէի պատահեսցի արդն պահոց նոցա, քանզի նաւասար-  
 դի ամսեամբ ուրեմն դեպի, զի մի կերակուրքն ի տափոյ  
 ապականեսցին: Քանզի շաբաթ արդն ի միշտ դիպէ՝ զինչ աւր  
 115 և դիպեսցի, շաբաթ անուն անւանեն և այսու զանց առնեն  
 զարինաւքն և ուրախութեամբն պահեն ի շաբաթուն, յորում

ոչ դիպեցաւ զատիկ, զի մի տրտմեցուացեն զորովայնս իւ-  
րեանց: Եւ վասն այսորիկ ոչ երբեք առնեն ծոմ յուրբաթու ի  
կիրակէի: Եւ զի գիտացես թէ՝ այս այսպէս է, յորժամ ուսա-  
նիցես զկանոնսն, միտ դիշիր, զի յերեկոն ժամոյն, յորում  
դրաղարջն ուտեն մինչև յառաւաւոն, յորում լուսանայ աւրն  
պահոց է. երորդ ամսեանն թուեն աւուրս ՃՀԲ, և ապա պահեն:  
254 Եւ եթէ պատահեցէ թիւն յաւուրսն յայնոսիկ, || զոր վերա-  
գոյն ասացաք, յաւելուն և պակասեցուցանեն, զի յերեկորոյ  
130 անդի աւուրս վերջին պահոցն ՃԶԲ աւուրս ածեն մինչև յաւրն  
բաղարջակերաց և նհանջեն կուրութեամբ առանց հանճարու.  
քանզի ոչ ըստ կարգի առնեն, զի վազեն զայլ ևս զինն ու Ժ  
աւուրբ, և երբ զինչ և անկանիցի ի միտս նոցա, նոյնպէս, որ-  
պէս զի արդ կամին առնեն և անցանեն զաւրինաւքն: Եւ արդ՝  
135 նայեա ընդ բաղումս, որ ընդաւրէնազանցսն կամին առնեն  
զզատիկն, թէ յարժանի ինչ առնիցեն, զի յորժամ կամին,  
քարոզեն զշարաթ, թէպէտ և լիցէ շարաթ: Այլ եկեղեցի Աս-  
տուծոյ ոչ գիտէ փոխեալ կիրակէ ընդ կիրակէի և ոչ՝ շարաթ  
ընդ շարաթու: Եւ վասն այսորիկ յորում աւուր դիպեցի չո-  
140 րեքտասաներորդն զատկի՝ եթէ կիրակի դիպեցի, միւս շա-  
րաթ անցանէ և եթէ երկշարաթոյ դիպեցի, պահէ զշարաթն  
ուղոյն, զի երթիցէ հասցէ և լցցի զխորհուրդն և ի շարաթու  
շարշարանացն պահեցէ, վասն այսորիկ իսկ և պասքա կոշի,  
որ թարգմանի շարշարանք Փրկչի մերոյ: Եւ վասն այսորիկ  
145 ամի ամի զայն միայն շարաթն կարենոր պահէ, զի մի զուգես-  
ցէ, այլ շարաթն ընդ նմա պատուով, որպէսզի կացցէ շարա-  
թըն՝ շարաթ և ոչ որպէս հրէայքն առնեն շարաթն փոխանա-  
կեալ և գողսնի, այլ զի յետ ճշմարիտ շարաթու, եկեալ արն  
254 մեծ յարութեան, որպէսզի, յորժամ եթէ դիպեցի աւրն || չո-  
150 րեքտասան երորդն լուսնի անցանէ, զի երթիցէ հասցէ ի միւս  
շարաթ, քանզի չէ մարդ, եթէ առանց շարաթու առնիցէ զաւ-  
րըն և ոչ ինչ դանդաղի և երկմտէ առնել զվեց աւրն աւելի,  
քանզի յուսացեալ վստահ է, թէ ի շարաթու հասանէ յաւրն  
շարշարանաց և ի կիրակէն յարութեան ըստ նմին նմանու-  
155 թեան իմաց, զոր ասեմս: Զի թէ դիպեցի չորեքտասաներոր-  
դըն ի շարաթու յառաջագոյն պահէ յերկշարաթոյն մինչև ի  
շարաթն և ունի զկարգն կատարեալ: Արդ՝ մի ոք յառաջ քան  
զշարաթն լուծցէ զպահքն, զի մի ապականեսցի զխորհուրդն  
և դնիցէ այլ կիրակէ, փոխանակ այնր, որ արժանն է, որպէս

պաւղիանոսքն ժպրհեցան առնել, և մի յաւուրն կիրակէի ոք  
պահեսցէ, թէպէտ և շորեթտասաներորդն իսկ ի նմա դիպես-  
ցի, քանզի չէ իշխանութիւն եկեղեցոյ, որ ի ծագաց մինչև ի  
ծագս երկրի, եթէ ոչ մատուցէց պատարագ յաւուրն կիրակէի:  
Ապա թէ ոմանք կամիցին հակառակել ընդէմ այսոցիկ, զոր  
ասացաքս, զայս ասասցուք թէ՝ մեք շունիմք այսպիսի սո-  
վորութիւն և ոչ եկեղեցին Քրիստոսի:

Արդ՝ քանզի տուշութիւն եկեղեցոյ այսպէս ուսուցանէ  
պահել ամի ամի զարն բազարջակիրաց, և զի մերթ դիպի  
դորեթտասաներորդն ի մարտի՝ այսինքն մեհեկանի, և մերթ  
յապրիկի, այսինքն՝ յարեգ ամսեան, չեն տեղեակ բազում  
թուոց, մանաւանդ շինա || կանք, և վարդապետութիւն տեառն  
մերոյ տարածեցաւ, կալաւ աշխարհ ամենայն, վասն այսո-  
րիկ երկերից ամի միանգամայն համարեցայ ըստ թուոյն  
անտիռքացոց ի շորեթհարիւրերորդէ առաջներորդէ ամէն  
մինչև յամն վեցհարիւրերորդ այնոցիկ, որ կացցեն յաշխար-  
հի, կազմեցի ես Անդրէաս, եղբայր Մագնոսի եպիսկոպոսի,  
և դրոշմեցի առանձին զբնաւ զմի մի ամ երկերիւրն ամի յեւ-  
թըն և տասն կանոն, որովք զամենայն համարն բովանդակե-  
ցի յերկներիւր կարգ և զզատիկն մեկնեցի զմի մի կարգս առ մի  
մի տարի:

Ա. Առաջին կանոն՝ զարն, որ ի միոչէ ի շորս ամսն  
նուաճեցուցանէ, որ կոչի բիսէքիստոն, որ լինի յառաջ քան  
զվեց ամսամտին մարտի և եթէ յորում ատուր շաբաթուն  
դիպի:

Բ. Կանոն ցուցանէ՝ թէ քանի ըստ թուոյ ամացն Անտիո-  
քացոց լինի շորսհարիւրերորդէ և ի միոյ մինչև զվեցհարիւ-  
րերորդն:

Գ. Կանոն ցուցանէ՝ թէ ամի ամի եւթնկտասներորդն  
մարտի և հինգերորդն ապրիլի, և վեցերորդն յունուարի, յո-  
րում լինի ապրն յայտնութեան տեառն մերոյ ի տասներորդ  
ամսեանն մի աւր դիպի:

Դ. Կանոն ցուցանէ՝ թէ յորում ամի է ամիսն նհանչեալ:

Ե. Կանոն ցուցանէ՝ թէ յորում ամսեան լինի սկիզբն եւթն  
շաբաթուցն պահոց:

Զ. Կանոն ցուցանէ՝ թէ քանիս ամսոյն սկիզբն սուրբ պա-  
հոցն քառամսներորդաց:

Է. Կանոն ցուցանէ՝ թէ յորում ամսեան շորեթտասան  
լուսնոյ է:

- թ. Կանոն ցուցանէ, թէ քանիս նորուն ամսոյ դիպիցի շո-  
200 բեքտասաներորդն:
- թ. Կանոն ցուցանէ՝ թէ յորում ժամու՝ ի ժամուցն տուլն-  
շեան կամ գիշերոյ, դիպիցի շորեքտասաներորդն:
- Ժ. Կանոն ցուցանէ՝ թէ յորում ժամու առնու սկիզբն շո-  
բեքտասաներորդն:
- 205 [Ժ]Ա. Կանոն ցուցանէ՝ թէ յորում աւովր յաւովրց շաբա-  
թում է:
- [Ժ]Բ. Կանոն ցուցանէ՝ թէ յորում աւովր է մեծ ավոն զատ-  
կաց:
- [Ժ]Գ. Կանոն ցուցանէ՝ թէ քանի ամսոյն լինի կիրակէն  
210 սուրբ:
- [Ժ]Դ. Կանոն ցուցանէ՝ թէ յորում ամսեան առնու կատա-  
րումն պենդակուստէին:
- [Ժ]Ե. Կանոն ցուցանէ՝ թէ քանի ամսեան կատարի պեն-  
տակուստն:
- 215 [Ժ]Զ. Կանոն ցուցանէ՝ թէ յեկին ամ պատշաճի եկինե-  
րեակն ըստ Մովսէսի գրոցն:
- [Ժ]Է. Կանոն ցուցանէ՝ զեկինից եւթնեակս կոչի յորելեան,  
որ յիսունեակք ամաց, որ լինի թողովին դիպից, ժառայից  
և պարտուց:

А. Г. АБРАМЯН

## О НЕКОТОРЫХ ФРАГМЕНТАХ ТРУДОВ АНДРЕАСА

### Резюме

В древнеармянских рукописях часто упоминается имя византийского ученого IV века Андреаса, реформатора календаря и автора ряда трудов, относящихся к этой области. К сожалению, о нем ничего не говорится в греческих и ассирийских источниках.

В рукописях Матенадарана имени Маштоца сохранились некоторые фрагменты трудов Андреаса в переводах с греческого на армянский язык.

Фрагменты сочинений Андреаса на армянском языке посвящены в основном календарю. Имеется также ряд астрономо-

мических кругов, иллюстрирующих движения солнца, луны, зодиаков и т. д.

В армянских рукописях до нас дошло также толкование сочинения Андреаса, сделанное армянским ученым VII века Анания Ширакаци. Последний, как видно, имел под рукой полный, но не дошедший до нас текст Андреаса, посвященный календарю.

Источниковедческий разбор фрагментов Андреаса показывает, что все они переведены на армянский язык в IV веке—после 353 года, т. е. после первого года существования движимого армянского календаря.

Фрагменты сочинений Андреаса, переведенные на армянский язык, представляют большую ценность для истории календаря. Не меньшее значение они имеют и для истории армянской литературы, поскольку доказывают, что армянская письменность существовала еще до Месропа Маштоца, т. е. до 406—407 годов.